

Благо есть: и прочее последование. Час 1-й без стихословия: такожде и в прочия пятки святыя великия 40-цы.

## НА 6-М ЧАСЕ

Тропарь, глас 5:

Многогреховное наше житие, / и непокаянный нрав / щедротами предвари, Господи, / разве бо Тебе иного не ве́мы, / животом и смертию владычествующа, / спаси́ яко Человеколюбец.

Слава, и ныне: и повторяем тойжде.

Прокимен, псалом 17, глас 7: Возлюблю́ Тя, Господи, крепосте́ моя, / Господь утвержде́ние моё. Стих: Бог мой, помощник мой.

Пророчества Исаиина чтение.

[Глава 3, ст. 1 – 14.]

Се Влады́ка Господь Савао́ф оты́мет от Иерусали́ма и от Иуде́и кре́пкого, и кре́пкую, кре́пость хле́ба, и кре́пость воды́. Исполы́на, и кре́пкого, и челове́ка ра́тника, и судию́, и проро́ка, и смотре́ливаго, и ста́рца. И пятидесятона́чальника, и дивна́го сове́тника, и премудра́го архите́ктона, и разу́много послу́шателя. И поста́влю ю́ноши кня́зи их, и ругате́ли господа́ствовати бу́дут ими́. И напа́дати имут лю́дие, челове́к на челове́ка, и челове́к на бли́жняго свое́го: прира́зится отроча́ к ста́рцу, и безче́стный к че́стному. Я́ко име́тся челове́к бра́та свое́го, или́ дома́шняго отца́ свое́го, глаго́ля: ризу́ имаши, нача́ловождь нам бу́ди, и бра́шно моё под тобо́ю да бу́дет. И отве́щав в день о́ный рече́т: не бу́ду твой нача́ловождь, несть бо в домо́у моём ни хле́ба, ни ризы́: не бу́ду нача́ловождь лю́дем сим. Я́ко оста́влен бысть Иерусали́м и Иуде́я паде́, и язы́к их со беззако́нием, не пока́рятся Господе́ви. Сего ра́ди ны́не сми́рися сла́ва их, и студ ли́ца их проти́ву ста им: грех же свой я́ко Содо́мский возвести́ша, и яви́ша. Го́ре ду́ши их, зане́ умы́слиша сове́т лука́вый на себе́ сами́х. Ре́кше: свя́жем пра́веднаго, я́ко непотре́бен нам е́сть: у́бо пло́ды дел свои́х сне́дят. Го́ре беззако́нному, лука́вая бо приключа́тся ему́ по делом ру́к его́. Лю́дие мои́, приста́вницы ва́ши пожина́ют вас, и истязáющие облада́ют ва́ми: лю́дие мои́, блажа́щии вас льста́т вы, и сте́зи ног ва́ших возму́щают. Но ны́не устро́ится Господь на суд, и поста́вит на суд лю́ди Сво́я. Сам Господь на суд при́дет со ста́рейшины люде́й, и с кня́зи их.

Прокимен, псалом 18, глас 6: Господи, Помо́щниче мой, / и Изба́вителю мой. Стих: Небеса́ пове́дают сла́ву Бо́жию, творе́ние же ру́ку Его́ возвеща́ет твердь.

Ведомо да есть, яко последование Минеи прилучившагося святаго в субботу и в Неделю поется на Повечерии, или егда хочет еkkлисиарх.

## В ПЯТОК ВЕЧЕРА

Во светильни́чное, по обы́чном стихословии, на Господи́ воззва́х, поставим стихов 10, и поем стихи́ры, самогласен дне, дважды. Глас 5:

Прииди́те ве́рнии, / де́лаим во све́те дела́ Бо́жия, / я́ко во дни благообра́зно хо́дим, / вся́кое непра́ведное списа́ние от себе́ бли́жняго оты́мем, / не полага́юще преты́кания се́му в собла́зн. / Оста́вим плóти сладостра́стие, / возра́стим ду́ши дарова́ния, / дади́м тре́бующим хлеб, / и присту́пим Христу́ в покая́нии вопию́ще: / Бо́же наш, поми́луй нас.

Таже поем и четыре мученичны Октоиха, прилучившагося гласа.

Таже самогласны 4, святого Феодора.

Глас 2:

Приидите, мучениколюбцы вси, / духовно возвеселимся, и торжествуим, / днесь бо предлагает трапезу тайную мученик Феодор, / веселящую празднлюбцев нас, еже вопити к нему: / радуйся страстотерпче непобедимый, / прещения мучителей на земли разоривый. / Радуйся, брэнное твоё тело за Христа Бога отдавый мукам. / Радуйся, в различных бедах, искусный воин явивыйся небеснаго воинства. / Тёмже молим тя мучеников украшение, / молися о душах наших.

Богодарованную благодать чудес твоих, мучениче Феодоре, / всем простираеши, верою к тебе притекающим, / ёюже хвалим тя, глаголюще: / плененныя избавляеши, исцеляеши болящия, / нищия обогащаеши, и спасаеши плавающих, / суетное течение удерживаеши рабов, / и тщеты явление твориши украдающим, страдальче, / и воины наказуеши восхищения огребатися, / младенцем даруеши милостивно прошения, / тёплый обретаешися предстатель творящим твою священную память. / С нимиже и нас, страдальче священнейший, / воспевающим твоё мучение, / проси у Христа велию милость.

Дар Божий превышший показался еси, мучениче Феодоре, / зане и по кончине яко жив / притекающим даеши прошения. / Тёмже сыну восхищенну жены иногда, / плененну иновёрными воины, / представши вдовица слезами храм твой мочаше, / ты же яко милостив на коне белом нашёл, / сея отрока представил еси невидимо: / и по сем и с сим действуя чудесы, не престал еси. / Но моли Христа Бога, спастися душам нашим.

Божественных даров тезоименита ты чту, треблаженне Феодоре, / света бо Божественнаго незаходимое светило явлейся, / уяснил еси страданиями твоими всю тварь, / и огня сильнейший явился, пламень угасил еси, / и лстываго змия главу сокрушил еси. / Тёмже во страданиях твоих Христос приклонился, / венча божественную главу твою, великомучениче страдальче, / яко имей дерзновение к Богу, / прилежно молися о душах наших.

**Слава, глас 6:** Сосуда употребив враг соотступника мучителя, / умышлением лютым, / постом очищающихся люди благочестивыя, / от скверных жертв, оскверненными брашны окушашеся осквернити, / но ты онаго ухищрение мудрейшим разрушил еси умышлением, / во сне предстал еси тогдашнему архиерею, / и глубокое разума открываа, / и безместное начинание являя, / и тебе убо благодарственная приносяще, Спаса написуем, / летное воспоминание бывшего чудесе творяще: / и прочее молящеся, / от умышлений лукаваго невердимым спастися, / к Богу твоими молитвами, мучениче Феодоре.

И ныне, Богородичен гласа. Вход без Евангелия. Свете тихий:

Прокимен, псалом 19. Глас 5: Услышит тя Господь / в день печали. Стих: Защитит тя имя Бога Иаковля.

Бытия чтение.

[Глава 2, ст. 20 – 25. Глава 3, ст. 1 – 20.]

Нарече Адам имена всем скотом, и всем птицам небесным, и всем зверем земным, Адаму же не обретется помощник подобный ему. И наложит Бог изступление на Адама, и успе: и взя едино от ребр его, и исполнит плотию вместо его. И созда Господь Бог ребро, еже взя от Адама, в жену, и приведе ю ко Адаму. И рече Адам: се ныне кость от костей моих, и плоть от плоти моея: сия наречется жена, яко от мужа своего взята бысть сия. Сего ради оставит человек отца своего и мать, и прилепится к жене своей, и будут два в плоть едину. И беста оба нага, Адам же и жена его, и не стыдятся. Змий же бе мудрейший всех зверей сущих на земли, ихже сотвори Господь Бог. И рече змий жене: что яко рече Бог: да не ясте от всякаго древа райскаго? И рече жена змию: от всякаго древа райскаго ясти будем. От плода же древа, еже есть посреде рая, рече Бог, да не ясте от него, ниже прикоснетесь ему, да не умрете. И рече змий жене: не смертию умрете. Ведяше бо Бог, яко воньже аще день съесте от него, отверзнутся очи ваши, и будете яко бози, ведяще доброе и лукавое. И виде жена, яко добро древо в снедь, и яко угодно очима видети, и красно есть, еже разумети: и взявши от

плода егѡ, яде: и даде мужу своему с собою, и ядоша. И отверзѡшася ѡчи обѡма, и разумѡша, яко нази бѣша, и сшѡста лѣствіе смоковное, и сотвориша себѣ препоясания. И услышаша глас Господа Бога, ходяща в рай по полудни: и скрѣстася Адам же и жена егѡ от лица Господа Бога посреде древа райскаго. И призвѡ Господь Бог Адама, и рече ему: Адаме, где еси? И рече ему: глас слышах Тебѣ ходяща в рай, и убоихся, яко наг есмь, и скрѣхся. И рече ему Бог: кто возвести тебе, яко наг еси, аще не бы от древа, егѡже заповѣдах тебѣ, сего единого не ясти, от негѡ ял еси? И рече Адам: жена, юже дал еси со мною, та ми даде от древа, и ядох. И рече Господь Бог женѣ: что сие сотворила еси? И рече жена: змий прельсти мя, и ядох. И рече Господь Бог змию: яко сотворил еси сие, проклят ты от всех скотов, и от всех зверей земных: на персех твоих и чреве ходити будеши, и землю снеси вся дни живота твоего. И вражду положу между тобою, и между женою, и между семенем твоим, и между семенем тоя: той твою блюсти будет главу, и ты блюсти будеши егѡ пята. И женѣ рече: умножая умножу печали твои, и воздыхания твои, в болезнях родиши чада, и к мужу твоему обращение твое, и той тобою обладати будет. И Адаму рече: яко послушал еси гласа жены твоея, и ял еси от древа, егѡже заповѣдах тебѣ сего единого не ясти, от негѡ ял еси: проклята земля в делех твоих, в печалех снеси тую вся дни живота твоего. Терния и волчцы возрастят тебѣ, и снеси траву сѣльную. В поте лица твоего снеси хлеб твой, дондеже возвратиши в землю, от неяже взят еси: яко земля еси, и в землю отидеши. И нарече Адам имя женѣ своей Жизнь, яко та мати всех живущих.

**Прокимен, псалом 20, глас 6:** Вознесися Господи, силою Твоею, / воспоём и поём силы Твоя. **Стих:** Господи, силою Твоею возвеселится царь.

**Притчей чтение.**  
**[Глава 3, ст. 19 – 34.]**

Бог премудростию основа землю, уготова же небеса разумом. В чувстве Егѡ бездны разверзѡшася, облацы же источиша росу. Сыне да не преминѣши, соблюди же мой совет, и мысль. Да жива будет душа твоя, и благодать будет на твоей выи: [будет же исцеление плотем твоим, и уврачевание костем твоим:] Да ходиши надеясь в мире во всех путех твоих, нога же твоя не поткнется. Аще бо сядеши, безбоязнен будеши, аще же поспиши сладостно поспиши. И не убойшися страха нашедшаго, ниже устремления нечестивых находящаго. Господь бо будет на всех путех твоих, и утвердит ногу твою, да не поползнѣши. Не отрѣцѣся благотворити требующему, егда имать рука твоя помогати. Не рцы: отшед возвратися, и завтра дам, сильну ти сущу благотворити: не веши бо что породит находящий день. Не соплетай на друга твоего зла, пришельца суща и уповающа на тя. Не враждуй на человека туе, да не что на тя содеет злое. Не стяжи злых мужей поношения, не возревнуй путем их. Нечист бо пред Господом всяк законопреступник и с праведными не сочетается. Клятва Господня в домех нечестивых: дворы же праведных благословляются. Господь гордым противится: смиренным же даёт благодать.

**Таже,** Да исправится молитва моя:

**И прочее последование преждесвященных.**

**По заамвонной молитве**

**Поем настоящий молебный канон святаго Феодора. Предложши же коливо, глаголем псалом 142:** Господи, услыши молитву мою: **Таже,** Бог Господь, и явися нам:

**И абие тропарь, глас 2:**

Вѣлия вѣры исправления, / во источнице пламене, яко на водѣ упокоения, / святыи мученик Феодор радовашеся: / огнем бо всеожжегся, / яко хлеб сладкий Троице принесся. / Того молитвами, Христѣ Бже, / спаси души наша.

**Слава, тойже.**

**И ныне, Богородичен:** Вся паче смýсла, / вся преслáвная Твоя, Богорóдице, таинства, / чистотé запечатанной, и дéвству храни́му, / Мáти позна́лася еси́ нелóжна / Бóга рóбдши и́стиннаго. / Тогó моли́ спастися душáм нáшим.

**И абие псалом 50.**

**Таже настоящий канон, глас 8.**

**Творение Иоанна Дамаскина, егоже краестрочие:**

**Бóжих тя пою́ дарóв тезоименíte.**

**Песнь 1.**

**Ирмос:** Вóду проше́д я́ко сýшу, / и егíпетскаго зла избежа́в, / израíльтянин вопия́ше: / Изба́вителю и Бóгу нáшему поим.

**Бóжия** тя рачíteля, Феóдоре, ве́дый / и любóвию неизбе́жною твоёю запéлся, / дýшу же и тéло, и словеса́ похва́л возлага́ю.

**Писáшеся** повелéние богомёрзкое, / жéртву и́долом, а не Живóму Бóгу приноси́ти, / но приведён был еси́, не пожрýй страсотéрпче, / Бóгу же имýй приведён бы́ти.

**Слава:** Рачéнием Божéственным пригвождён, Бóга Вы́шняго / Сы́ну Единорóдному, Феóдоре мýчениче ввои́нился еси́, / и по́честей не погреси́л еси́.

**И ныне, Богородичен:** Чíни Тя áнгелов и челове́ков Безневéстная Мáти / восхваля́ют непреста́нно: / Содéтеля бо сих, я́ко Младéнца / во объáтиих Твои́х носила еси́.

**Песнь 3.**

**Ирмос:** Ты еси́ утверждéние притека́ющих к Тебе́, Гóсподи, / Ты еси́ свет омрачénных, / и поёт Тя дух мой.

**Пéние** из устén мои́х, / и из болéзненныя душí мольбý приношý, / ю́же ущéдри, страсотéрпче Феóдоре.

**Плоть** покорíл еси́ Самодéржцу, сла́вне мýчениче, умý, / и обоими́ угожда́еши Созда́вшему.

**Слава:** Стал еси́ на суди́щи мучíteльском, / Христа́ Царя́ богослóвя, / жрéти бо сквёрным отрéклся еси́, Феóдоре.

**И ныне, Богородичен:** Тя вси стяжа́хом прибе́жище и стéну прíсно христиáне; / Тя славослóвим немóлчно, Безневéстная.

**Песнь 4.**

**Ирмос:** Услýшах, Гóсподи, / смотре́ния Твоегó та́инство, / разумéх дела́ Твоя́ / и просла́вих Твоё Божество́.

**Та́ин** Божéственных вкуси́в, в ра́зуме, мýчениче Феóдоре, / непосты́дную про́поведь Бóжия рожде́ния испове́дал еси́.

**Стра́стное** божество́ непщева́ху, страстéм служа́ции, / ихже дýхом изобличи́л еси́, / страда́льче Феóдоре, просвещáемь.

**Слава:** Изба́вителя моли́твою, тебе́ воспева́ющим, блаже́нне Феóдоре, / от разли́чных обстоя́ний и страстéй бы́ти мо́лим.

**И ныне, Богородичен:** Клас возрасти́вшая животворя́щий, неора́нная нíво, / пода́ющий мíрови жизнь, Богорóдице, / спаси́ пою́щия Тя.

**Песнь 5.**

**Ирмос:** У́треннююще вопи́ем Ти, / Гóсподи, спаси́ ны, / Ты бо еси́ Бог наш, / разве Тебе́ ино́го не ве́мы.

**Люби́те** возлюбíвшаго Гóспода, / возглаша́л еси́ страда́льче Феóдоре, / стра́ждущим с тобо́ю мýчеником.

**Я**ко рѣвностию страсотѣрпче разжизаяся сѣрдцем, / богиню лжеименитую с трѣбищем попалил еси.

**Слава:** Силою непобѣдимою, Феодоре страсотѣрпче, / варварскую дерзость, / и моя страсти погуби.

**И ныне, Богородичен:** Дѣву по рождествѣ поем Тя, Богородице, / Ты бо Бѣга Слѣва плѣтию мѣрови родила еси.

### Песнь 6.

**Ирмос:** Очисти мя, Спасе, / многа бо беззакония моя, / и из глубины зол возведи, молюся, / к Тебѣ бо возопих, / и услыши мя, / Бѣже спасения моего.

Коль слабое, коль немощное, богов суетных шатание! / На отмщенье свое, человеком молящееся в стоянии побеждаемое, / неложных мучеников проповѣдающих истину. [Дважды.]

**Слава:** Укрепився силою Бѣжиею, мучеников славо Феодоре, / муки злочестивых, младенец стрѣляния зрел еси блаженне, / вѣчнующее будущих предзря.

**И ныне, Богородичен:** Да избавимся от лютых прегрешений / молитвами Твоими, Богородительнице Чистая, / и да улучим Всечистая Божественнаго осияния, / из Тебѣ неизреченно воплотившагося Сына Бѣжия.

### Кондак, глас 8:

**Вѣру** Христову яко щит внутрь приим в сѣрдцы твоѣм, / противныя силы попрал еси, многострадальче, / и венцем небесным венчался еси вѣчно, Феодоре, яко непобѣдимый.

### Песнь 7.

**Ирмос:** От Иудѣи дошедше, отроцы / в Вавилоне иногда / вѣрою Трѣическою пламень пещный попраша, поюще: / отцев Бѣже, благословен еси.

Уранен был еси тѣлом, / за ураненнаго Слѣва плѣтию нас ради, / и Сему благодарственно веселяся возопил еси, страсотѣрпче Феодоре: / отец наших Бѣже благословен еси.

**Я**ко во грѣбе положися, и волю запечатлѣся Избавителю всех, в темнице запечатленной / вселился еси вопия, страсотѣрпче Феодоре: / отец наших Бѣже благословен еси.

Умерщвлен быв, и страсти плотскія произволением оттряс, / не снѣдию, страсотѣрпче, но любвию Божественною питаюся пел еси: / отец наших Бѣже благословен еси.

**Слава:** В темнице страсотѣрпче, якоже в пещи юноши иногда, / Един нетлѣнный Трѣицы тебѣ укрепляет, виден быв, вопиюща: / отец наших Бѣже благословен еси.

**И ныне, Богородичен:** Наше спасение, якоже восхотѣл еси, Спасе, устроить, / во утробу Дѣвы вселился еси, / Юже мѣру предстательницу показал еси, / отец наших Бѣже благословен еси.

### Песнь 8.

**Ирмос:** Седмерицею пещь халдѣйский мучитель / Богочестивым неистовно ражжѣ, / силою же лучшею спасены сѣя виде, / Творцу и Избавителю вопияше: / отроцы, благословите, / священники, воспойте, / людие, превозносите во вся вѣки.

Ослеплен умом, беззаконных начальник, / богочестиву тебѣ нечестивно претяше: / что все на человека нуждею умерша, безумне, возложил еси надежду? / Но ты возопил еси: / отроцы, благословите, священники, воспойте, / людие, превозносите во вся вѣки.

**Я**ко смѣсленный и премудрый строитель благодати, / данною тебѣ от Бѣга благодатию, / возопил еси, Феодоре, повелевающему нечестивно: / сей студ мне и поющим буди. / Отроцы благословите, священники, воспойте, / людие, превозносите во вся вѣки.



**Слава:** Юношески подви́зѣлся еси́, дерзостно изблочи́л еси́: / что безумствуеши, – мучительно взыва́л еси́, / – повелева́я тва́рем служи́ти ло́жно, оста́вльшим Созда́вшаго? / Но аз воспева́ю: о́троцы, благослови́те, священни́цы, воспойте, / лю́дие, превозно́сите во вся ве́ки.

**И ныне, Богородичен:** Плотски́ми изображе́ными, и разли́чными ганáнии, / и знаменáтельными и образи́тельными изрече́ными, / Твое́ предвеща́ху богоглаго́ливии Рождество́, / преестество́нное и чу́дное, Де́во, / те́мже Тя веселя́щися благоче́стно восхва́ляем, / Христа́ превозно́сяще во вся ве́ки.

### Песнь 9.

**Ирмос:** Тя Неискусобра́чную Ма́терь Бо́га Вы́шняго:

Вещество́ муче́ния твоего́ Бо́жие, Феодо́ре, жела́ние. / Те́мже ти и вещество́ бысть веще́ственному те́ло огню́: / ѿмже к Божество́нному ра́дуясь огню́ изше́л еси́, / страсоте́рпче уго́днице Бо́жий Феодо́ре.

Му́чениче всече́стне, попалѣв, не попалѣлся еси́: / ты бо преле́сть попалѣл еси́, / Бо́гу же предсто́иши живѣй, / и в Нем му́ченически веселя́ся, / страсоте́рпче и уго́днице Феодо́ре.

**Слава:** Еди́наго Тя зна́ем Христа́, еди́наго от Тро́ицы, / во двою́ соверше́нну естеству́, / лю́ди Твоя́ спасѣ́ сѣя, / я́же стяжа́л еси́ честною́ Твое́ю кро́вию, / Феодо́ра страсоте́рпца моли́твами.

**И ныне, Богородичен:** Тя невидима́го Бо́га носѣвшую объ́ятии, / на небесе́х воспева́емаго от все́я си́лы: / и Тобю́ нам да́руемое вѣ́ну спасе́ние / во обстоя́нии велича́ем.

**Ирмос:** Тя Неискусобра́чную Ма́терь Бо́га Вы́шняго, / Тя па́че ума́ ро́ждшую сло́вом войисти́нну Бо́га, / вы́шшую пречи́стых сил, / немол́чными славословле́нии велича́ем.

**И абие, Трисвятое.**

### И тропарь святаго, глас 2:

Ве́лия ве́ры исправле́ния, / во исто́чнице пла́мене, я́ко на воде́ упоко́ения, / святы́й му́ченик Феодо́р ра́довашеся: / огне́м бо всесожже́гся, / я́ко хлеб сла́дкий Тро́ице принесе́ся. / Того́ моли́твами, Христэ́ Бо́же, / спасѣ́ ду́ши на́ша.

**Слава, кондак, глас 8:** Ве́ру Христову́ я́ко щит внутрь при́йм в се́рдцы твоём, / проти́вныя си́лы попрáл еси́, многострада́льче, / и венце́м небес́ным венча́лся еси́ ве́чно, Феодо́ре, я́ко непобеди́мый.

**И ныне, Богородичен, глас тойже:** Я́коже предста́тельство вси, и держа́вное заступле́ние, / прегре́шшии стяжа́хом, Всечи́стая, Твою́ те́плую по́мощь, / Де́во Ма́ти Мари́е, христиа́н спасе́ние. / Тем не преста́й о нас моля́щи Спа́са, дарова́тися прощ́ению.

**И бывает благословение колива. Таже, Буди ѿмя Господне: и Благословлю́ Го́спода: И дается преломление от иерея. И отпуст.**

А идеже не быти преждесвященной, кончаем часы сие. По Осла́би, оста́ви: **И по конечных поклонех глаголем Трисвятое. По О́тче наш: Го́споди поми́луй, 12. Таже молитва, Всесвята́я Тро́ице: И начинаем Вечерню: Приидѣ́те поклонѣ́мся: трижды. Псалом 103. Кафисма. И поем на Го́споди воззва́х, стихиры на 6. Мученичны 3, во Октоихе гласа, иже на ряду: И святому Феодору, 3, Слава, Феодору: Сосуда́ употребѣв: И ныне, Богородичен, гласа рядоваго. Све́те ти́хий: без входа. Чтение. На стиховне Триоди самогласен дне дважды, и мученичен, глас 5: Благослове́но во́инство: Сла́ва, Феодору, глас 2: Божество́нных даро́в: Писан в стихирах. И ны́не, Богородичен: Все упова́ние: Ны́не отпу́щаеши: Трисвятое. По О́тче наш: Тропарь: Ве́лия ве́ры: Сла́ва, и ны́не, Богородичен: Вся па́че смысла: Таже ектения, Помѣ́луй нас Бо́же: И поклоны, 3. И облачится священник в багряный фелонь, и начинает: Благословѣ́н Бог наш: И мы глаголем псалом 142: Го́споди услы́ши моли́тву: И прочее я́коже указано прежде. Канон на 4. И по совершении канона, Вместо: Достойно есть: Поем ирмос 9 песни: Тя Неискусобра́чную: Таже Трисвятое. По О́тче наш: Тропарь: Ве́лия ве́ры: Сла́ва, кондак: Ве́ру Христову́: И ны́не, Богородичен: Я́коже предста́тельство: Таже**

молитву над коливом, благословение колива. Посем, Буди́ имя Господне: и Благословлю́ Го́спода: И отпуст. И входим в трапезу, и вкушаем вина и елеа, ради святого. Сие прияхом в лавре преподобнаго отца нашего Саввы, и киновии преподобнаго Великаго Евфимия, но не творим сего ныне за честность дне. Обаче ядим варение с сливами, без масла и армеа: произволяющий же ядят сухоядение, якоже и в среду.

Подобает ведати, яко во всех пятках святых и великия Четырдесятницы, на Вечернях и Повечериях поклонов не творим, токмо воображенныя в преждеосвященной, еже есть по Да испр́авится: поклоны 3. По входе Святых Даров, поклоны 3. И на Буди́ имя Господне, поклоны 3.

Повечерия же поем великая, на нихже поем покойныя каноны настоящего гласа, в гробнице.

Каноны же в Минеи настоящия субботы и Недели поем, егда изволит еkkлисиарх: един убо поем в Повечерии пятка, другой же канон поем в Повечерии Недели.

Тако творим во всех пятках, в вечер святых и великия Четырдесятницы.

## В СУББОТУ ПЕРВУЮ СВЯТЫХ ПОСТОВ, НА УТРЕНИ

По шестопсалмии, поем Бог Господь, на глас 2.

И тропарь святого Феодора, дважды, глас 2:

Вéлия вéры исправлénия, / во истóчнице пла́мене, / яко на водé упокоénия, / святы́й мученик Феодор ра́довашеся: / огнём бо всесождёгся, / яко хлеб сла́дкий Трóице принесёся. / Того́ моли́твами, Христé Бóже, / спаси́ дýши нáша.

Сла́ва, и ны́не, Богородичен единожды: Вся па́че смýсла, / вся пресла́вная Твоя́, Богорóдице, та́инства, / чистотé запечатанной, и дéвству храни́му, / Ма́ти позна́лася еси́ нелóжна, / Бóга рóждши и́стиннаго, / Того́ моли́ спастися душáм нáшим.

И обычное стихословие. По 1-м же стихословии поем седальны мученичны, Осмогласника, случившагося гласа, с Богородичным.

По 2-м же стихословии  
поем настоящия седальны святого Феодора.

Глас 3. Подобен: Божия вéры:

Кипя́ вéры правосла́вием, / прéлесть угаси́л еси́ злосла́вия, / упраздни́в и́дольское безбóжие: / и всесождéние божéственное быв, / чудодéйстви ороша́еши концы́, мучениче пресла́вне, / Христá Бóга моли́, / даровáти нам вéлию мýлость.

Другий седален святого, подобен:

Божéственный дар, ты ко спасéнию всей даде́ вселénней, / в страдáльчествах укрепивый ты Господь, / душе́вныя нáша болéзни исцеля́я, / и телéсныя стра́сти побежда́я, / мучениче Феодоре, Христá Бóга моли́, / даровáти нам вéлию мýлость.

Богородичен, подобен: Невместимаго Бóга, во утрóбе Твое́й Дéво Пречíстая носившая, / прéжде век от Отца́ нетлénно возсия́вшего, / Сло́ва Ипостáснаго, и Сы́на единосúщнаго, / Сего́ моли́ с проро́ки и мученики, / преподóбными, по́стники и пра́ведными, / даровáти нам разрешéние прегрешéний.

Таже чтем мучение святого. Таже псалом 50. И канон святого обители со ирмосы на 6. И святого Феодора на 8. Стихословим же и Го́сподеви поём.

Канон, егоже краестрочие: Тирон преславный, слава первой субботе. В первых же тропарех канона, иное краегранесие.

Канон, творение Иоанна,  
митрополита Евхаитского, глас 4.  
Песнь 1.

**Ирмос:** Отвѣрзу уста моя:

Всех превѣшший, / Тя неизреченно Родившую, / всех предположи вѣшшую Своих избранных. / Темже днесь сего венечника поюще, Всепетая, / Тебѣ предначинаем.

Великаго в мученицех, страдальца пресветлаго, / имениятаго, и преславнаго в чудесех, / от конец земли и до конец знаменятаго, / пѣснями воспою Феодора.

День веселый в скорбех возсия, / и сетование сих уясни, / предпразднственная предпутя издалеча, / просиявша благодатию божественнаго мученика.

Кропит очищения Церковь, кровью святое заклѣние, / еже прият пожрѣнный и в жертву приятый, / страдальчествовавшего Божественныя ради славы его.

**Богородичен:** Красно аще и незрѣло, еже праздновати узаконися: / украсившая бо вся, Владычица, / и ныне показася памяти приобщающимся предбѣдствующему кровию.

Иный канон, тогоже Евхаитского, глас 6.  
Песнь 1.

**Ирмос:** Яко по сѹху:

Чудный во святых воистинну, Боже, / во мне удиви милости Твоя, Христѣ, / слово ми даруя, / яко да чудная восхваляю Твоего мученика.

Твердое в страдальчестве, / и терпеливое в болезнех показал еси страстотерпче Христов: / скорое же паки на нас помощи являя твоея, Феодоре.

**Слава:** Благодѣтельную отец веру, от души его мучитель отревая зле, / нечестивый совет Богу приразив, / восхотѣ присно ити.

**И ныне, Богородичен:** Богоречивых проречѣния древле мужей, / на Тебѣ исполнися, Мати Дѣво, яве, / яко Бога рождающая истиннаго, и Человека истиннаго, / паче естества и ужасно.

**Катавасия:** Отвѣрзу уста моя, / и наполнятся Духа, / и слово отрѣгну Царице Матери, / и явлюся, светло торжествуя, / и воспою, радуясь, Тоя чудеса.

Песнь 3.

**Ирмос:** Твоя песнословцы:

Видети день Сына Твоего, / желающе христоименити людіе, / во образ Сего, Владычице, / Тому ныне предпразднствуют, / Тебѣ носяще показаніе, / и славнаго страстотерпца Твоего.

Побеждают всякими образы лучшая / великий бо во страдальцех / в веселіе измени временную скорбь, / святаго зельное поста обратив во ослабление.

Свойственный и подобный тебѣ дар, / ибо от своих страдальче: / ихже бо сам вселил еси в сей частице твоей, / обрадованно дары тебѣ похвал приносим.

Добрѣйшее основаніе положил еси, твоими изрядства изрядне, / зверя всегубительна, огнем и убійством дышуща, / низложив яко бездельна преестественную доблестію.

Неистовствовав новый отступник, по равному люте древнему, / жертвы брашном якоже ядом смеси, / но ложный окайник премудрися мучеником.

**Богородичен:** Исполнися убо вся, Дѣво, знати Господа земля, / из Тебѣ миру являшася, / но божественным мучеником благодать многая, / утвердившим самѣми собою истину.



## Иный.

**Ирмос:** Несть свят:

Пёрвее в Ёвины ўши пошептáвый лёстно, / и Адама то́уже прельсти́вый лёстно, / той и ны́не яд злòбы к лёсти излия́.

Лестца́ имáше на него́, / пита́ше не́истовство протíву правоживу́щим, / врэ́мя взыска́ше пра́вое, / во́ньже ме́рзость сотвори́ти поучáшеся пребеззако́ннейший.

**Слава:** Дней нача́ток святы́х наста́ постòв, / в нíхже вся́кий христиáнин самаго́ себе́ / воздержáнием мно́гим очíстив, всех ошáся.

**И ныне, Богородичен:** Надéждо мíру держáвная, / покрóве и предста́тельство, Всесвята́я Дéво, / не прэ́зри, Благо́я, моле́ния рабòв, / от любв́е Тя прíсно ублажа́ющих.

**Катавасия:** Твоя́ песнослòвцы, Богорóдице, / Живýй и Незави́стный Исто́чнице, / лик себе́ совоку́пльшия, духо́вно утверди́, / в Божéственной Твое́й сла́ве / венцév сла́вы сподóби.

## Седален, глас 8:

**Подобен:** Премудрости слòво:

Божéственное всеорúжие воспри́им, и й́долов лeсть низложíв, / áнгелы воздвìгл есì восхваля́ти пòдвиги тво́я, / божéственным бо желáнием ум распали́в, / смерть во огнì до́блественно презрél есì. / Тёмже именонóсно прося́щим тя дáруй божéственные дáры, / исцелéний пода́ния, страстотéрпче Феодоре, / моли́ся Христú Бо́гу, согрешéний оставлéние даровáти, / прáзднующим любòвию святу́ю пáмять твою́.

**Слава, подобен:** Максимиáновыми ласкáнями не уклонíвся, / Христóвыми же словесýи мýжествовав, / й́дольское кáпище во огнì испепели́л есì, / страдáльчески победíв до́бре сопротивника, / прорóчески прешél есì огнь, я́коже в водé. / Тёмже достóйно возда́ние подвиго́в, / источáеши исцелéния, страстотéрпче Феодоре, / моли́ся Христú Бо́гу, прегрешéний оставлéнию даровáтися, / прáзднующим любòвию святу́ю пáмять твою́.

**И ныне, Богородичен, Подобен:** Я́ко всенепорóчная Невéста Творца́, я́ко неискусомýжная Мáти Избáвителя, / я́ко приятелище сýщи Вы́шняго Всепéтая, / беззако́ния мя сýща сквёрное жили́ще, / и в рáзуме бýвша бесòв игра́лище, / потщíся и сих злодéйствия мя избáвити, / свéтлое жили́ще добродéтелию стяжав́шая, светопрíемнице нетлénная, / разжени́ óблак страстéй, и гóрняя свéтлости сподóби, / и свéта невечéрняго моли́твами Тво́ими.

## Песнь 4.

**Ирмос:** Седя́й в Сла́ве:

О но́ваго и преслáвнаго смешéния же и растворе́ния! / Дéвству рождество́ соедини́ родивýйся Богочеловéк, / сéтованным же днем весéлие, / Своего́ почита́я страдáльца вмеси́.

Виждь, кáко Христа́ любя́ше, Христóви во́инствуяй, / врагí бо Сего́ ре́вностию и огнём погуби́, / и себе́ конéчне до́брую и приятную Емú жéртву усéрдно отдаде́.

Победонóсный от страдáльцев до́блйи разреши́, дерзновéнно глаго́ля, / и презрэ́нием мучéний зрíteли удивíв, / и быв всей твáри но́вое и преслáвное позóрище.

Кость úбо не сокруши́ся Бо́га и Влады́ки моего́, / о долготерпéния, и по умерщвлéнии стражду́ща! / Во́ина же его́ огнь приём, и кóло устыдéся, умершу́ прикосну́тися.

**Богородичен:** Соумéршии, Влады́це, животá служíteли, / и соостав́шии живúт у Него́ ны́не вéчно, / и Сы́ну Мáтерь прославля́ют / благословя́ще Отца́, Сы́на и Дúха Свята́го.

## Иный.

**Ирмос:** Христóс моя́ сíла:

Совет совещáвает нечестíвейший, / зрíte, я́ко во́истинну есть стра́шно, / разуме́ бо ока́янный ме́рзкими бра́шны, / лю́ди Христóвы оскверни́ти.

**В** дело приведе совет беззаконный, / возбранити бо повелев чистых ядений брашно, / и предложити, яже он оскверни кровью.

**Слава:** Бысть явственно и оглашенно беззаконие всем христианом, / темже якоже уведеша, / стекосаша вси купно в храм Господень святыи.

**И ныне, Богородичен:** Тя рождшую предвечнаго от Отца Рожденнаго, / ныне вернии молитвенницу предлагаем, / Тоя молитвами Христэ преклонен, / благоуветлив буди рабом Твоим.

**Катавасия:** Седяи в Славе / на Престоле Божества / во облаце легце, / прииди Иисус Пребожественный, / Нетленную Дланию / и спасе зовущия: / слава, Христэ, силе Твоей.

### Песнь 5.

**Ирмос:** Ужасошася всяческая:

Отверзаются днесь преддверия благодати, / и упокоение ныне самое проображает Воскресение, / сие светоносне светлую Владычицу почитающе, / и славнаго мученика.

Дарует тезоименитый дар, Бог, Феодора, / возлюбившим являшаго возлюбленного явление, / преславных дел Творца, / и Божественных сил Самодетеля содеваемого.

Ничтоже к мученику луги и стрелы твоя / враже человеческого спасения, / и умерый бо живёт, и возбну, / и злодейством твоим противляйся, / спасает всякаго православнаго.

**Богородичен:** Странное быше прежде чудо, Богоотроковице, / страдальческими же свидетельствами прият веру несумненну, / и веруемое присно пребывает чудимое, / и верне покланяемое.

### Иный.

**Ирмос:** Божиим светом Твоим:

Тогдашний убо архиерей весь ужаснувся, / нечестиваго якоже уведе совет, / песнями всеночными Бога моляше, / не презрети в конец людей жребия Его.

Но скорый воистинну помощник, / во истине и теплоте призывающих, / моления их не презре всякаго, / но скорейшее им соделовает разрешение начинания.

**Слава:** От вышних помощник посылается яко скорее на землю, / страстотерпец Феодор, / и пастыреначальник является, / разрешение научая беззаконнаго совета.

**И ныне, Богородичен:** Никтоже притекая к Твоему, Владычице, заступлению тепле, посрамится когда, / но просит благодати, и дар приемлет к полезному скорейший прошения.

**Катавасия:** Ужасошася всяческая / о Божественной славе Твоей, / Ты бо, Неискусобрачная Дево, / имела еси во утробе над всеми Бога / и родила еси Безлетнаго Сына, / всем воспевающим Тя / мир подавающая.

### Песнь 6.

**Ирмос:** Божественное сие и всечестное:

Постигися, Спасе, не могут друзи и сынове чертога Твоего, / Тебе бо Жениха с Материю и с другом Твоим, / учреждают предстояща и служат.

Отступи Бога спасающего, / отступи и от разума злоименитый, / и кичением воста на веру, / но вместо сего обрете великоименитаго.

Пострадав предста мудрейший, и сотвори доблей теплейший, / к мучителем бо бранию, и победою добре обучився, / ниже умер отступи исправления.

**Богородичен:** Избавльшеся днесь, Владычице, беды душетленные, / чудесем страстотерпца Твоего, / по Твоему Божественному промыслению, / благодать обоим возлагаем.

## Иный.

**Ирмос:** Жите́йское мо́ре:

Стра́нному ужа́саяся ви́дения твоего́, / архиерей проті́во рече́: / ты кто еси́, го́споди, глаго́лай мне? / Вразуми́ и научи́, ка́ко обра́щем скорейшую по́мощь?

Фео́дор рече́: аз есмь я́вственно страстоте́рпец, и слы́ши: / пше́ницу сва́рив раздели́ лю́дем, / и та́ко спасу́тся от скве́рных бра́шен преле́стника.

**Слава:** Ко́ль ве́лие чу́до твое́, / и пресла́вное твое́ заступле́ние, Фео́доре! / Те́мже дерза́юще вси чи́сто к тебе́ прибега́ем, / и мо́лимся, спаси́ рабы́ тво́я.

**И ныне, Богородичен:** Све́та жили́ще, и прия́телище чи́стое Сло́ва была́ еси́, / Отца́ благоволе́нием, и к Тебе́ посеще́нием Ду́ха Свята́го, / те́мже мя просвети́.

**Катавасия:** Божество́нное си́е и всечестно́е / соверша́юще пра́зднество, / Богому́дрии, Богома́тере, / прииди́те, рука́ми воспле́щим, / от Не́я ро́ждшагося Бо́га сла́вим.

## Кондак, глас 8:

Ве́ру Христо́ву я́ко щит внут́рь прие́м в се́рдце твоём, / проті́вныя си́лы попрал еси́, многострада́льче, / и венце́м небе́сным венча́лся еси́ ве́чно, Фео́доре, я́ко непобеди́мый.

**Икос:** На престо́ле све́та носима́го, / благода́рственно ве́рою воспева́ем Тя, / я́ко дарова́ние Божество́нное дарова́л еси́, / до́бляго страда́ньми Фео́дора, / в жити́и треблже́ннаго, я́ко поборо́ника су́ща и́стины, / и́же благочесті́вым помышле́нием стяжа́в Христа́, держа́вный, / бысть победи́тель на ле́стнаго, я́ко непобеди́мый.

**Синаксарий.**

## Песнь 7.

**Ирмос:** Не послужи́ша тва́ри Богому́дрии:

Зако́ну рекл еси́ не лежа́ти пра́ведником Тво́им, Пра́ведный Влады́ко, / те́мже Ма́ти Тво́я, и многочу́дный сей раб Твой, / све́тлостію па́мяти сих днесь зако́ны разоря́ют поще́ния.

Ко́ль сла́дкое, и ве́лікое, и ра́достное ны́нешнее торже́ство! / Е́же му́чеников нам до́блейший и преве́лий ны́не вообрази́, / еди́нем чудесе́м от нечи́стых чи́стыя лю́ди Христо́вы соверши́в.

К зми́ем лю́тым сопроти́вляшагося, / и возмо́гшаго на душетле́ннаго же и оскверня́ющаго одушевле́нная телеса́, / венча́им победны́ми пе́снями, и венце́в похва́лами.

**Богородичен:** Родонача́льник у́бо проуве́дев душетле́нное бра́шно не убеже́: / Тво́й же ве́рнии лю́дие от Твоего́ му́ченика преднаучи́вшися, и избе́гше всепа́губныя пи́щи, / с сим Влады́чице, спаси́тельная Тебе́ жрут.

## Иный.

**Ирмос:** Росода́тельну у́бо печь:

Росода́вец печа́ли, и распале́ния о́блак яви́лся еси́ пресла́вне, / и спасл еси́ от пе́щи мучи́тельския, зову́щия вся ве́рныя, / благослове́н еси́ Бо́же оте́ц на́ших.

Ца́рю пребеззако́ннейший посра́мися, / и да загра́дятся уста́ тво́я, поуча́ющаяся на нас беззако́нному сове́ту, / разруши́ бо твою́ крѣ́пость ца́рствуяй Ца́рь и всех Госпо́дь.

**Слава:** Иули́ане безу́мне, се́рдце твое́ все зло́бы испо́лнися, / обава́ется же от прему́драго Бо́га на́шего, / изли́явшееся ле́стно на нас, вопи́ющих к Нему́, / благода́ть подава́еши нам.

**И ныне, Богородичен:** Па́че сло́ва Твое́ бысть зача́тие, / и па́че ума́ Рожде́ство Твое́, Всенепоро́чная, / Бо́га бо родила́ еси́ плото́ю, / спа́сшаго вся от тле́ния, Благослове́нная. / Те́мже ны́не, Богоро́дице, Тя сла́вим.

**Катавасия:** Не послужи́ша тва́ри Богому́дрии / па́че Созда́вшаго, / но о́гненное преще́ние му́жески попра́вше, / ра́довахуся, пою́ще: / препе́тый оте́ц Госпо́дь и Бог благослове́н еси́.

## Песнь 8.

**Ирмос:** Избавителю всех:

Радости Рождеством исполнившая небесная и земная, / временным сегованием благодать благовременную подаёт венечнику, / сплещущи светло празднственная.

Субботствуим человецы днесь, / от трудов вчерашних почивше, / за Благословившаго настоящий день упокоением, / и ныне торжеством мученика.

Войстинну сия первая в субботах, / и суббота бы глаголалася суббота: / мученическая же благодати и силы Божественныя исполнена, / спасения великаго воспоминание.

Царя Бога чистыми брашны, / царствия беззаконнаго сквернения, чистый упраздни, / и преславным образом чудодейства святую седмицу освяти.

**Богородичен:** Извещает Твое Отроковице таинство, / мучеников усердная смерть, / яко бо Богу веровавшие рождшемуся, / аще и страсть волею претерпе, / самех себе доблии пожроша.

## Иный.

**Ирмос:** Из пламене преподобным:

Из пламене яко избавился еси мучениче Феодоре Божественною силою, / сие и ныне нас спасл еси сам предстательством божественным твоим, / беззаконнаго совета злокозненнаго.

Вечер водворися плач рабом твоим, / от лукаваго ловительства супостата нашего, / но во утро радость возсия, мучениче терпеливоносче, / теплою твоею помощью.

**Слава:** Избавителя ты обрете, в беды мы впавше, / и избавителя козни вражия, / мучениче Христов страстотерпче Феодоре, / ты славословим во вся веки.

**И ныне, Богородичен:** Недоумевает ум человеческий / Твоего Рождества Чистая, таинство изрещи, / и сего ради Ты верою благочестно, яко Богородицу, почитаем, / и славословим во вся веки.

**Катавасия:** Отроки благочестивыя в пещи / Рождество Богородичо спасло есть; / тогда убо образуемое, / ныне же действующее, / вселенную всю воздвизает пети Тебе: / Господа пойте, дела, / и превозносите Его во вся веки.

## Песнь 9.

**Ирмос:** Рождество Твое нетленно явися:

Стекается множество отсюду, в сень сведения, и живущую благодать, / предпросиявшего в славе всех мучеников, / со Владычицею всех величаем.

Мужайся, Христова Церковь, / и державствуй все борющимися, / Христовы бо друзи и предстоящие о тебе пекутся / и отстоящие якоже доблии, / Ему же совершаеши благодарственная.

Возмневшаяся древле умерети, / вещи показывают жити и по кончине, / и веры паки предстательствовать с равною ревностию. / Ею же богатящися Благодетеля величаем.

**Богородичен:** Яко Божественную Тя печать псалмами, / запечатанную Божию книгу налагаю нося, / и собираю похвалы в Тебе, Дево, / сие прославляя наипаче Твоего мученика.

## Иный.

**Ирмос:** Бога человеком:

Добре явился еси поборник преславне, и державное заступление нам / чтущим твою честную и вечную память ныне, / и твоих страдальцев исправления, / и бывшее в нас Божественное заступление.

Твое всеблаженное чудо, Феодоре, совершенное, / святыми тучами поется, на весь мир блаженне, / тем же и лютно собирающемся, / славу возсылаем Христу, тебе прославльшему.

**Слава:** Зря любóвь восхваляющих тя, мучениче Христов, / благодать воздърствуй  
вѣящую, / и вѣру вѣдый елика есть преслávне, / не престай моли́твенниче теплѣйший  
мучениче, / и ходатай к Бо́гу нашему явля́йся.

**И ныне, Богородичен:** Пѣти, Дѣво, Тя не перестаём, / помощницу, покрóв, скорое  
заступлѣние, / и предста́тельницу нашу непосты́дную. / Соблюди́ Твоя рабы, всякаго  
озлоблѣния, / всякия ко́зни лукаваго свобожда́ющи прісно.

**Катавасия:** Всяк земнорóдный / да възгра́ется, Ду́хом просвещаемъ, / да торжествует же  
Безплóтных умóв естество, / почита́ющее священное торжество Богомáтере, / и да вопи́ет: /  
ра́дуйся, Всеблаже́нная Богороди́це, Чистая Присноде́во.

**Ексапостиларий:**

**Подобен:** Со ученики́:

Венченóсче свя́те, предсто́й со а́нгелы Христову ны́не престóлу, / и свѣта отту́ду  
исполня́йся страстоно́сче, / мир мірови непреста́нно исходата́йствуй, и нам спасѣ́ние, /  
благоче́стно светонóсную па́мь твою́ соверша́ющим, / Феодоре всебога́те, мучениче  
преукраше́нне.

**Богородичен:** Во чре́ве Твоём Госпо́дь, / погиба́ющий мир от тлѣ́ния призвати́ восхотѣв, /  
якоже ве́даяше, всели́ся, Богороди́це. / Спасѣ́ние ўбо вси обретше, / возопи́им Тебе́ а́нгелово,  
е́же ра́дуйся, Всепѣ́тая, / во всех жена́х благослове́нная: / и́бо ра́дость породила́ еси́ всей  
вселѣ́нней.

**На хвалитех поставим стихи 4, глас 1.**

**Подобен:** Небѣ́сных чино́в:

Му́жа изря́дна вѣ́шняго воинствослóвия, вѣ́рнии, / я́ко терпели́ваго ору́жника на́шего  
благоче́стия, согла́сно соше́дшеся, / пѣ́сньми та́инственными восхва́лим, глаго́люще: /  
досточу́дне мучениче Иису́сов, / моли́ся о чту́щих тя.

Тезоимени́тым твои́м зва́нием, да́ре Бо́жий вои́стинну, / скорбя́щим всем утѣше́ние  
пода́лся еси́, Феодоре треблаже́нне, / всякий бо к твоёму́ приближа́ясь хра́му вои́стинну, / с  
весѣ́лием приѣ́мля воздая́ния чудес твои́х, / почита́ет Христа́.

Благоче́стия бога́тство и свѣ́тлость, / страда́льческими по́двиги, себѣ сокрови́ществовав, /  
всю крѣ́пость твою́ дар при́ятный Бо́гу прине́сл еси́, / исполня́я в по́двизех со тща́нием /  
богодарова́нное твоѣ призыва́ние.

Всесвѣ́тлым торжество́м Божѣ́ственного мученика, напита́имся вси, / и вѣ́рно  
возвесели́мся, празднолю́бцы, / почита́юще свѣ́тлое празднество́ егó сконча́ния, / пѣ́сенно  
воспева́юще Иису́са, / просла́вившаго па́мь егó.

**Слава, глас 6:** Свяще́ния дар и бога́тство Божѣ́стvenныя жи́зни, / показáлся еси́ міру,  
Феодоре, / Христо́с бо му́дре твою́ па́мь просла́ви, / в ню́же согла́сно вѣ́рнии ра́дующеся, /  
поём по́двиги болѣ́зней твои́х.

**И ныне: Богородичен, глас тойже:** Богороди́це, Ты еси́ лоза́ и́стинная, / возра́стившая нам  
Плод живото́а, / Тебе́ мо́лимся, моли́ся Влады́чице, / со страсотѣ́рпцем, и все́ми святы́ми, /  
помы́ловатися ду́шам на́шим.

**На стиховне стихиры свя́таго,  
глас 4. Самогласны:**

Лику́ют собо́ры мучеников ра́достно, / ны́не в хра́ме твоём, страсотѣ́рпче Феодоре, / и  
а́нгельстии чино́ве, / страда́льчества плѣ́шут терпѣ́ния твоегó, / и сам венцеда́вец Христо́с  
предсто́ит, / богатотво́рная дарова́ния твои́м певце́м десни́цею пода́я, / Егóже возжелѣ́в  
взыска́л еси́, / и обрѣ́т бесѣ́довал еси́, / Егóже желáл еси́, / Егóже моли́, спасти́ и просвети́ти  
ду́ши на́ша.

**Стих:** Пра́ведник я́ко фíникс процветѣ́т, я́ко кедр, и́же в Ливáне, умно́жится.

Чистый и непорочный пост пришедый ныне к нам, / мученических чудес совершение совведе, / постом бо душевные скверны очистим, / и мученическими знаменами, и страдальчества, / доблественно на страсти вужимся. / Отонудуже и священного воздержания благодатию просвещающися, / и чудодействы Феодора мученика, / ко Христу утверждаемся верою, / просяще Его, / спасение подати душам нашим.

**Стих: Насаждени в дому Господни, во дворех дому Бога нашего процветут.**

Мученическим твоим дерзновением к Богу, Феодоре, / отступническую на веру Христову кознь / суетну сотворил еси, / поборник благочестующим был еси людем, / преданием ужасным, / скверных брашен жертвы идольскими их избавль. / Темже ты яко идолов потребителя, / и яко стада Христова спасителя и хранителя, / и предстателя нашего благопослушливаго, / чтуще в песнях молим, / очищению и просвещению / тобою дароватися душам нашим.

**Слава, глас 8:** Страдальческим мужеством / благочестно вооружився страстотерпче Христов, / и словесное служение тайно / поборая силою Его, / идолов нечестие и мучителей прещение немощно показал еси, / презирая мучения и временный огонь. / Но, о Божественных даров и вещь, и имя! / От всякаго обстояния молитвою твоею спасай / совершающая память твою.

**И ныне, Богородичен:** Владычице, прими молитвы рабов твоих, / и избави нас / от всякия нужды и печали.

**И прочее последование Утрени. Совокупляем и час 1.**

## НА ЛИТУРГИИ

**Изобразительная, и от канона святого песнь 3 и 6.**

**Тропарь святого Феодора, глас 2:**

Велия веры исправления, / во источнице пламене, яко на воде упокоения, / святыи мученик Феодор радовашеся: / огнем бо всесожгется, / яко хлеб сладкий Троице принесется. / Того молитвами, Христэ Боже, / спаси души наша.

**Кондак, глас 8:**

Веру Христову яко щит внутри прием в сердце твоём, / противныя силы попрал еси, многострадальче, / и венцем небесным венчался еси вечно, Феодоре, яко непобедимый.

**Прокимен глас 7:**

Возвеселится праведник о Господе, / и уповает на Него. **Стих:** Услыши, Боже, глас мой, внегда молити ми ся к Тебе.

**Апостол дне, ко Евреям, зачало 303.**

Многочастне и многообразне древле Бог глаголавый отцем во пророцех, в последок дней сих глагола нам в Сыне, Егоже положи наследника всем, Имже и веки сотвори. Иже сый сияние славы и образ Ипостаси Его, нося же всяческая глаголом силы Своея, Собою очищение сотворив грехов наших, седе одесную престола величества на высоких. Толико лучший быв ангелов, елико преславнее паче их наследствова имя. Кому бо рече когда от ангел: Сын Мой еси Ты, Аз днесь родих Тя? И паки: Аз буду Ему во Отца, и Той будет мне в Сына? Егда же паки вводит Первороднаго во вселенную, глаголет: и да поклонятся Ему вси ангели Божии. И ко ангелом убо глаголет: творяи ангелы Своя духи и слуги Своя огонь палящ. К Сыну же: престол Твой, Боже, в век века: жезл правости жезл царствия Твоего: возлюбил еси правду и возненавидел еси беззаконие: сего ради помаза Тя, Боже, Бог Твой елеем радости, паче причастник Твоих. И паки: в начале Ты, Господи, землю основал еси, и



дела́ руку Твоею́ суть небеса́. Та погѣбнут, Ты же пребываеши, и вся, якоже рѣза, обѣща́ют, и яко оде́жду сви́еши их, и изменѣтся: Ты же то́йже еси́, и лѣта Твоя́ не оскуде́ют.

### Святому Апостол, к Тимофею, зачало 292.

Ча́до Тимофе́е, возмога́й во благода́ти, я́же о Христѣ́ Иису́се, и я́же слы́шал еси́ от мене́ мно́гими свидѣтели, сѣя́ преда́ждь ве́рным челове́ком, и́же дово́льны бу́дут и ины́х научи́ти. Ты у́бо злопостражди́ яко добр во́ин Иису́с Христóв. Никто́же бо во́ин быва́я обяза́ется кúплями житѣ́йскими, да воево́де уго́ден бу́дет. Аще же и постра́ждет кто, не венча́ется, аще не зако́нно му́чен бу́дет. Трудя́ющемсяу де́лательнó прѣ́жде подоба́ет от пло́да вкуси́ти. Разуме́й, я́же глаго́лю: да даст у́бо тебѣ́ Госпо́дь разум о́ всем. Помина́й Го́спода Иису́са Христа́ воста́вшего от ме́ртвых, от се́мене Дави́дова, по благовѣствовани́ю моему́, в не́мже злостражду́ да́же до уз, яко злоде́й, но сло́во Бо́жие не вя́жется. Сего́ ра́ди вся терплю́ избра́нных ра́ди, да и тѣи спасе́ние улуча́т е́же о Христѣ́ Иису́се, со сла́вою ве́чною.

### Аллилу́иа, глас 4.

**Стих:** Пра́ведник яко́ фѣ́никс процветѣ́т, яко́ кедр, и́же в Лива́не, умно́жится. **Стих:** Наса́ждени в до́мѣ Госпо́дни, во двóрех до́му Бо́га на́шего процвету́т.

### Ева́нгелие от Марка, зачало 10.

Во вре́мя о́но, идя́ше Иису́с в суббо́ты сквозѣ́ се́яния, и нача́ша ученицы́ Его́ путь твори́ти, востерза́юще кла́сы. И фарисе́е глаго́лаху Ему́: ви́ждь, что творѣ́т в суббо́ты, е́гоже не досто́ит? И Той глаго́лаше им: не́сте ли нико́лиже чли, что сотвори́ Дави́д, егда́ тре́бование имѣ́ и взалка́ сам и и́же с ним? Ка́ко вни́де в дом Бо́жий при Авиафа́ре архиере́и, и хлѣ́бы предложѣ́ния снѣде́, и́хже не достоя́ше я́сти то́кмо иере́ем, и даде́ и сущи́м с ним? И глаго́лаше им: суббо́та челове́ка ра́ди бы́сть, а не челове́к суббо́ты ра́ди. Те́мже госпо́дь есть Сын Чело́веческий и суббо́те. И вни́де па́ки в со́нмище: и бе́ та́мо челове́к, сýху имы́й рýку. И назира́ху Его́, аще в суббо́ты исцели́т е́го, да Нань возглаго́лют. И глаго́ла челове́ку сýху иму́щему рýку: ста́ни посреде́. И глаго́ла им: досто́ит ли в суббо́ты добро́ твори́ти, или́ зло твори́ти? Ду́шу спасти́, или́ погуби́ти? Онѣ́ же молча́ху. И возрэ́в на них со́ гнѣвом, скорба́ о окамене́нии серде́ц их, глаго́ла челове́ку: прости́ рýку твою́. И прости́: и утверди́ся рука́ е́го це́ла, яко́ друга́я.

### И свята́го, от Иоанна, зачало 52.

Рече́ Госпо́дь Свои́м ученико́м: сѣя́ заповѣ́даю вам, да лю́бите друг дру́га. Аще мир вас ненави́дит, ве́дите, яко́ Мене́ прѣ́жде вас возненави́де. Аще от ми́ра бы́сте бы́ли, мир у́бо своѣ́ любѣ́ил бы: яко́же от ми́ра не́сте, но Аз избра́х вы от ми́ра, сего́ ра́ди ненави́дит вас мир. Помина́йте сло́во, е́же Аз рех вам: несть раб бо́лий го́спода своего́. Аще Мене́ изгна́ша, и вас изжену́т: аще сло́во Моѣ́ соблюдо́ша, и ва́ше соблюду́т. Но сѣя́ вся творѣ́т вам за́ имя Моѣ́, яко́ не ве́дят Посла́вшего Мя. Аще не бых прише́л и глаго́лал им, греха́ не бы́ша имѣ́ли: ны́не же вины́ не иму́т о гресе́ своѣ́м. Ненави́дая Мене́, и Отца́ Моего́ ненави́дит. Аще дел не бых сотвори́л в них, и́хже ин никто́же сотвори́, греха́ не бы́ша имѣ́ли: ны́не же и ви́деша, и возненавидѣ́ша Мене́ и Отца́ Моего́. Но да сбóдется сло́во, пи́санное в зако́не их, яко́ возненави́дѣша Мя ту́не. Егда́ же при́дет Уте́шитель, Е́гоже Аз послóю вам от Отца́, Дух и́стины, И́же от Отца́ исхо́дит, Той свидѣ́тельствуе́т о Мнѣ. И вы же свидѣ́ствуете, яко́ искони́ со́ Мною́ е́сте. Сѣя́ глаго́лах вам, да не соблазни́тсѣя. От со́нмищ и́ждену́т вы, но при́дет час, да всяк, и́же уби́ет вы, мни́тся слýжбу приноси́ти Бо́гу.

**Прича́стен:** В па́мьять ве́чную бу́дет пра́ведник, / от слýха зла не убой́тсѣя.

На трапезе́ чтем сло́во похва́льное о́ святем Феодо́ре, свята́го Григория́ Нисска́го. И я́дим боб обваренный, с маслинами́ белыми́ и черными́. Прича́щаемсѣя же и варе́ния с маслом прилучи́вшегося, и коли́ва: вина́ же испиваем по красово́лю, ради свята́го. Сие́ же прияхом от лавры́ преподо́бнаго отца́ на́шего Саввы, и от богоно́снаго отца́ на́шего Евфимия́.

#### **СУББОТА ПЕРВЫЯ СЕДМИЦЫ**

Ведати подобает, яко дважды прияхом ясти рыбы в сей Великий пост, в праздник Благовещения, и Цветоносия.